



BARAZA LA WAWAKILISHI – ZANZIBAR

ORODHA YA SHUGHULI ZA LEO

BARAZA LA TISA LA WAWAKILISHI

MKUTANO WA NANE

Kikao cha Pili – Tarehe 7 Disemba, 2017.

Kikao Kitaanza Saa 3.00 (Tatu) Asubuhi
na Dua itasomwa.

I. TAARIFA YA SPIKA:

II. HATI ZA KUWASILISHA MEZANI:

Waziri wa Biashara, Viwanda na Masoko:

Mswada wa Sheria ya Kuanzisha Wakala wa Maendeleo ya Viwanda Vidogo Vidogo, Vidogo na vya Kati Zanzibar Pamoja na Kuwezesha Ushajiishaji na Uendelezaji wa Viwanda Vidogo Vidogo, Vidogo na vya Kati na Mambo Mengine Yanayohusiana na Hayo

Mwenyekiti wa Kamati ya Fedha, Biashara na Kilimo:

Hotuba ya Maoni ya Kamati ya Fedha, Biashara na Kilimo kuhusu Mswada wa Sheria ya Kuanzisha Wakala wa Maendeleo ya Viwanda Vidogo Vidogo, Vidogo na vya Kati Zanzibar Pamoja na Kuwezesha Ushajiishaji na Uendelezaji wa Viwanda Vidogo Vidogo, Vidogo na vya Kati na Mambo Mengine Yanayohusiana na Hayo.

III. MASWALI:

Ofisi ya Makamu wa Pili wa Rais:

49. MHESHIMIWA OMAR SEIF ABEID (Jimbo la Konde) - Atamuuliza Mheshimiwa Waziri wa Nchi, Ofisi ya Makamu wa Pili wa Rais:

Kwa kuwa kazi za sanaa za Kizanzibar ni kivutio kimoja kikubwa kwa wageni, kazi ambazo pia hufaywa na vikundi mbali mbali vya watu wasioona kwa ajili ya kupata kipato cha kuwawezesha kumudu maisha yao.

- (a) Je, kuna mpango gani ambao umekusudiwa kuvisaidia vikundi vya ujasiriamali na sanaa kwa watu wasioona ambao wana vipaji katika fani mbali mbali.
- (b) Je, kuna mpango gani wa kukitembelea kikundi cha watu wasioona kilichopo Mtambile, Mkoa wa Kusini Pemba ambacho ni maarufu kwa kazi za kusuka mazulia ya magunia ambayo yana bei kubwa ili kusaidia kuzitangaza bidhaa zao ndani na nje ya Zanzibar.

Ofisi ya Rais, Tawala za Mikoa, Serikali za Mitaa na Idara Maalum za SMZ:

90. MHESHIMIWA ALI KHAMIS BAKARI (Jimbo la Tumbe) – Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Jeshi la Kujenga Uchumi Zanzibar (JKU) linastahili pongezi kwa kutoa mafunzo ya vijana katika Kambi za Unguja na Pemba. Katika kuadhimisha sherehe za kutimiza mwaka mmoja wa vijana hao, tumeshuhudia vijana wakiwa wamehitimu mafunzo vizuri, katika vitendo n.k. Na kwa kuwa Waziri wa Wizara hiyo alifurahishwa na mafunzo hayo na kuwataka Makamanda wazidi kutoa mafunzo hayo.

Je, ni sababu zipi zilizopelekea tokea mwaka 1999 hadi sasa mwaka 2017 mafunzo mazuri kama hayo hayakuwepo.

Wizara ya Biashara, Viwanda na Masoko:

1. MHESHIMIWA MACHANO OTHMAN SAID (Jimbo la Mfenesini) - Atamuuliza Mheshimiwa Waziri wa Biashara, Viwanda na Masoko:

Serikali ya Mapinduzi ya Zanzibar chini ya uongozi wa Mhe. Dr. Ali Mohamed Shein inastahili pongezi kwa kusimamia vyema ukusanyaji mapato katika mwaka 2016/2017, hatua ambayo imeiwezesha kutoa fedha za matumizi (OC) kwa zaidi ya 90% kwa Wizara nyingi. Pamoja na hatua hiyo nzuri, bado wapo wakwepa kodi ambao wanapunguza kasi ya maendeleo.

Hivi Serikali inajua kwamba msamaha wake wa kodi za vyakula muhimu wakati wa mwezi mtukufu wa Ramadhani hauwanufaishi wananchi.

Wizara ya Elimu Na Mafunzo ya Amali:

34. MHESHIMIWA MIRAJI KHAMIS MUSSA (Jimbo la Chumbuni) - Atamuuliza Mheshimiwa Waziri wa Elimu na Mafunzo ya Amali:

Serikali ilikiunganisha Chuo cha Ualimu cha Nkurumah katika Chuo Kikuu cha Taifa cha Zanzibar (SUZA) kwa matumaini ya kuimarisha zaidi taaluma ya walimu katika ufundishaji. Kabla ya kuunganishwa SUZA, Chuo cha Nkurumah kilikuwa kinatoa mafunzo ya Ualimu ya Daraja "A" (Grade "A") ambapo mafunzo hayo kwa sasa hayapatikani kwenye Chuo Kikuu cha SUZA.

- (a) Je, ni utafiti gani wa Wizara uliofanywa na kupelekea kuondoa Chuo cha Ualimu Nkurumah na kukiunganisha na Chuo Kikuu cha Taifa cha Zanzibar (SUZA) na kusababisha kuondoa mafunzo ya Ualimu ya Daraja "A".
- (b) Je, kuna kipimo chochote cha mafanikio kilichoonessa matokeo mazuri toka Chuo hiki kiunganishwe na SUZA, kama yapo naomba kuyafahamu kwa faida ya Wakwezi na Wakulima.
- (c) Hatua gani zilizochukuliwa za kitaaluma katika "content and methodology" baada ya kukiunganisha Chuo cha Nkurumah kwenda SUZA ili kuendeleza

yale mema yaliyokuwa yakipatikana kwenye Chuo cha Nkurumah.

Wizara ya Ardhi, Maji, Nishati na Mazingira:

86. Mheshimiwa Ali Khamis Bakari (Jimbo la Tumbe) - Atamuuliza Mheshimiwa Waziri wa Ardhi, Maji, Nishati na Mazingira:

Kumekuwa na kilio cha muda mrefu sasa kwa wananchi wa Wilaya ya Micheweni kwa kukosekana kituo cha kuuzia umeme na fundi wa dharura hasa kunapokuwa na hitilafu ya umeme Wilayani hapo pindi ikitokezea kuharibika “Transfomer”, kuanguka nguzo, kukatika waya kwa kuangukiwa na miti n.k.

- (a) Je, Serikali ina mpango gani kwa sasa wa kuweka kituo cha uuzaji umeme na kuachana na kutumia simu za mkononi, jambo ambalo halina uhakika na wananchi kupata usumbufu.
- (b) Je, Serikali haioni kutokuwepo kwa fundi wa dharura katika Wilaya hiyo kunaweza kuleta maafa kwa wananchi.

Wizara ya Ujenzi, Mawasiliano na Usafirishaji:

28. MHESHIMIWA MUSSA FOUM MUSSA (Jimbo la Kiwani) - Atamuuliza Mheshimiwa Waziri wa Ujenzi, Mawasiliano na Usafirishaji:

Serikali ya Mapinduzi ya Zanzibar inastahiki pongezi kwa uamuzi wake wa kununua Meli ya MV. Mapinduzi II kwa ajili ya kuwapunguzia wananchi wake tatizo la usafiri. Hata hivyo, kwa bahati mbaya meli hiyo tokea ilipofika na kuanza safari zake kumekuwa kukijitokeza matatizo ya umeme mara kwa mara.

Je, Mhe. Waziri kuna sababu gani zinazopelekea kuwepo hali hiyo.

41. MHESHIMIWA OMAR SEIF ABEID (Jimbo la Konde) - Atamuuliza Mheshimiwa Waziri wa Ujenzi, Mawasiliano na Usafirishaji:

Kwa kuwa Barabara ya Konde - Chake iliyojengwa na Cogefar ilikuwa nyembamba, lakini kwa wakati huo ilikuwa inatosha kutokana na vyombo vya usafiri kuwa kidogo. Kwa hivi sasa barabara hiyo imekuwa haikidhi haja kutokana na kuongezeka kwa magari mengi, hasa malori yanayobeba mchanga, mawe na kifusi kutoka Micheweni na Ndamani kwenye maeneo yanayochimbwa mchanga. Na kwa kuwa zimebaki km 25 kutoka Madenjani hadi Konde.

- (a) Je, ni lini Serikali itaitanua barabara hiyo kama ambavyo imefanya kutoka Melitano hadi Madenjani.
- (b) Je, kwa sasa kuna mpango gani wa kuzirejesha alama za barabarani ambazo zilitolewa sambamba na kuvirejeshea vikuta ambavyo viliwekwa kwa ajili ya kuonesha masafa ya barabara hizo.

64. MHESHIMIWA OMAR SEIF ABEID (Jimbo la Konde) - Atamuuliza Mheshimiwa Waziri wa Ujenzi, Mawasiliano na Usafirishaji:

Kwa kuwa kazi ya ujenzi wa barabara ya Ole/Kengeja inaendelea vizuri na matumaini kwamba barabara hii itakamilika sio muda mrefu, na kwa sababu baada ya kukamilika kwa barabara hiyo, maeneo yote ambayo yamepitiwa na barabara hiyo kama vile Pujini, Mtangani, Kengeja na mengineo yataongezeka thamani sana na kusababisha wananchi kujenga hata kwenye maeneo ya hifadhi ya barabara.

- (a) Je, Wizara imejipanga vipi kuyapima na kuyawekea alama maalumu maeneo ya hifadhi ya barabara ili kutokutoa mwanya kwa watu kujenga ndani ya maeneo ya hifadhi ya barabara na kusababisha kudai fidia mara nyingine pindi ikitokea kutanuliwa au kujengwa upya barabara hiyo miaka ya baadae.
- (b) Sambamba na barabara ya Ole/Kengeja, Wizara ina mpango wa kupima na kuziwekea alama barabara zote za Unguja na Pemba ili kuepuka matatizo kama hayo ambayo yamekuwa yakijitokeza.

Wizara ya Afya:

70. MHESHIMIWA OMAR SEIF ABEID (Jimbo la Konde) - Atamuuliza Mheshimiwa Waziri wa Afya:

Kwa kuwa kumekuwa na tatizo la kutokuwepo kwa Mfamasia wa kudumu Pemba jambo ambalo ni tatizo kubwa ambalo Wizara ya Afya inalifahamu.

- (a) Je, ni sababu gani inayopelekea kutokuwepo kwa Mfamasia Pemba.
- (b) Je, ni lini Wizara itampeleka Mfamasia wa kudumu Pemba ili kuondokana na tatizo hilo.

Wizara ya Kilimo, Maliasili, Mifugo na Uvuvi:

11. MHESHIMIWA BAHATI KHAMIS KOMBO (Jimbo la Chambani) - Atamuuliza Mheshimiwa Waziri wa Kilimo, Maliasili, Mifugo na Uvuvi:

Serikali inastahiki pongezi kwa hatua ambazo imechukua kwa kushirikiana na wananchi kufichua mikarafuu ambayo ilikuwa haijulikani na kwa msaada wao tumeweza kufarajika na kupata mapato ambayo ni makubwa sana.

Je, Serikali imewafikiria nini wananchi hawa.

24. MHESHIMIWA MUSSA FOUM MUSSA (Jimbo la Kiwani) - Atamuuliza Mheshimiwa Waziri wa Kilimo, Maliasili, Mifugo na Uvuvi:

Wizara ya Kilimo, Maliasili, Mifugo na Uvuvi katika bajeti ya mwaka 2017/2018 ilisema itaanzisha kituo cha kuwaweka na kuwakuza vifaranga vya samaki, kaa na majongoo kabla ya kusambazwa kwa wafugaji kwa upande wa Pemba.

- (a) Je, hatua hiyo imefikia wapi
- (b) Ni wafugaji wangapi waliopata vifaranga hivyo.

Wizara ya Habari, Utalii, Utamaduni na Michezo:

25. MHESHIMIWA MUSSA FOU M MUSSA (Jimbo la Kiwani) - Atamuuliza Mheshimiwa Waziri wa Habari, Utalii, Utamaduni na Michezo:

Katika malengo ya Wizara ya Habari, Utalii, Utamaduni na Michezo ya mwaka 2017/2018 ni uhifadhi na uendelezaji wa maeneo ya kihistoria. Hata hivyo, kuna baadhi ya maeneo mengi ya kihistoria yamevamiwa kwa ujenzi ikiwemo Unguja Ukuu.

- (a) Je, Wizara inalifahamu suala hili.
- (b) Je, Wizara itachukuwa hatua gani kwa wale waliovamia maeneo hayo.

IV. HOJA ZA SERIKALI:

Waziri wa Biashara, Viwanda na Masoko:

Mswada wa Sheria ya Kuanzisha Wakala wa Maendeleo ya Viwanda Vidogo Vidogo, Vidogo na vya Kati Zanzibar Pamoja na Kuwezesha Ushajiishaji na Uendelezaji wa Viwanda Vidogo Vidogo, Vidogo na vya Kati na Mambo Mengine Yanayohusiana na Hayo - Kusomwa kwa Mara ya Pili.

Zanzibar,
7 Disemba, 2017.

(Raya Issa Msellem)
KATIBU WA BARAZA.